

Grant Dizionari Bilengâl Talian Furlan

Presentazion publiche de version inzornade in CD rom

Preseadis Scuelis e Associazions, preseâts Ents e Istitûts, ai 6 di Avost une nestre comunicazion us informave de jessude dal gnûf GDBTF e e prospetave la so presentazion in ocasion de Zornade Europeane des Lenghis.

Cun dut che par motifs organizatîfs nol è stât pussibil rispjetâ chei tîmps, al è cun grant plasê che cumò us invidin par Vinars ai 10 di Otubar aes 17.30, li dal Auditorium dal Palaç de Regjon di Vie Sabbadini 31 a Udin, pe presentazion publiche de version inzornade in CD rom dal Grant Dizionari Bilengâl Talian Furlan (GDBTF). L'incuintri al vigna-

rà introdusût dal Assessôr regjonâl ae Istruzion, Culture e Formazion Roberto Molinaro, dal President de ARLeF - Agenzie Regjonâl pe Lenghe Furlane Lorenzo Fabbro, dal Retôr Magnific de Universitât dal Friûl Cristiana Compagno, dal President de Societât Filologjiche Furlane Lorenzo Pelizzo.

A ilustrâ il GDBTF a saran Giovanni Frau, professôr di Filologjie e linguistiche romanze de Universitât dal Friûl, e Alessandro Carrozzo, lessicolic dal CFL2000.

Ae fin de presentazion, a ducj i intervignûts, e vignarà consegnade a titul gratuit une

copie dal cd cu la version ultime dal GDBTF. Us ricuardin che il GDBTF al è un program che dal 1999 i lavore parsore un grop di esperts cun competencis diversificadis tai setôrs de linguistiche e de informatiche. Pes sôs carateristichis il GDBTF al è un imprest fondamentâl no dome par chei che a lavorin doprant la lenghe furlane tes scuelis, te amministrazion publiche, tai media e tai setôrs de comunicazion e de economie, ma ancje par ducj chei che a intindin imparâ la lenghe furlane di plante fûr, o, cognossintle, a vuelin miorâ lis lôr competencis e orientâsi a une alfabetizazion corete.

La gnove version dal GDBTF che e presente plui di 23.000 peraulis e passe 14.000 locuzions e je compatibile cun ducj i sistemis operatîfs che a si doprin; part tant e je disponibil tes versions par Windows, Linux e Mac OS X Tiger.

Il GDBTF al è realizât dal Centri Friûl Lenghe 2000 (CFL 2000), consorzi nassût daûr di une iniziative de Universitât dal Friûl e di Ents e di Associazions che tai agns si son impegnâts e a si impegnin in maniere significative e cualificade par sostignî la lenghe furlane.

Chestis realtâts a son: il Consorzi Universitari dal Friûl, la Cooperative Informazion furlane, la Societât Filologjiche Furlane, la Cooperative Serling, la Union dai Scritôrs Furlans, l'Istitût Ladin Furlan Pre Checo Placerean e il Circul culturâl "il Menocchio", cul sostegn finanziari de Regjon autonome Friûl-Vignesie Julie e de ARLeF-Agenzie Regjonâl pe Lenghe Furlane.

Te sperance di cjatâus numerôs a chest incuintri, o restin a disposizion par cualsisei altre informazion (cfl2000@cfl2000.net).

Salûts di cûr Il president dal CFL2000

Luca Peresson